

կարելի է նշել, որ այն, ըստ էության, ստանձնում է Ռուսաստանի հետ հիմնական առևտրաշրջանառության ապահովման երաշխավորի դերը՝ այդպիսով համդիսանալով ներկայումս Ռուսաստանի հետ երկաթգծային ուղիղ կապ հաստատելու անհնարինության ինքնատիպ «փոխարինող»։ Ավելին, նոր լաստանավային հաղորդակցության պայմաններում հայկական բեռի տեղափոխումը Ռուսաստան նվազում է ավելի քան 20 տոկոսով՝ մեր արտադրողներին հինարավորություն ընձեռելով նվազագույն տրանսպորտային ծախսերով իրենց ապրանքը հասցնել ռուսական շուկա¹։ Ավելացնենք նաև, որ էականորեն կրճատվում է նաև տեղափոխման ժամանակահատվածը. եթե Փոթիից մինչև Իլիչևսկ հայկական բեռները տեղափոխվում են 8-10 օրվա ընթացքում, դրանից հետո ուկրաինական երկաթուղով հասնում են Ռուսաստան, ապա այժմ Փոթիից մինչև Կավկազ նավահանգիստ լաստանավային փոխադրումը կիրականացվի 31 ժամվա ընթացքում։ Ըստ ՀՀ տրանսպորտի և կապի նախարարության կանխատեսումների, ներկա 10-12 հազար տոննայի փոխարեն 2009-2010 թվականներին Փոթի-Կավկազ ուղերթով տարեկան կարող է տեղափոխվել մինչև 500 հազար տոննա բեռ։ Երկաթգծային այս լաստանավի գործարկումով ոչ միայն կկրճատվի Հայաստանից Ռուսաստան և հակառակ ուղղությամբ իրականացվող բեռնափոխադրումների ժամանակահատվածը, այլև հնարավորինս կդադարանա մաքսային ռեժիմը։

Այսպիսով, գնային ու ծավալային սահմանափակումներից ազատումը արտահանման զգալի նոր հնարավորություններ է բացում։ Այսպես, հատուկ համաժողովներ (օրինակ՝ պեռլիտը, բենտոնիտն ու հատուկ քարը), ինչպես նաև շինարարական ապրանքները, մեքենաշինական և քիմիական արդյունաբերության առանձին արտադրատեսակները, որոնք դուրս էին մնացել արտահանման շուկաներից, կրկին մրցումակ կդառնան ռուսական, ԱՊՀ և եվրոպական շուկաներում։ Նախադրյալներ կստեղծվի պեռլիտի փոխադրումների վերսկսմանը, որը ԱՊՀ շուկայում մեծ գրավչություն ունի (այն կիրառվում է նավթարդյունաբերության մեջ ֆիլտրման ու մեկուսացման նպատակներով, գրունտային հավելումներով և բազմաթիվ այլ նպատակներով)։ Քարի (ներառյալ՝ համեմատաբար բարձրարժեք երեսպատման քարի) արտահանումը, որը փորձում են զարգացնել Արարատ Յենեոնը շահագործող գործարար կողմերը, ներուժ կունենա բարելավված սպասարկման պայմաններում։ ԱՊՀ նավթարդյունաբերության մեջ ներուժ ունի բենտոնիտը, որը կիրառվում է որպես շաղափման քսանյութ։ Երկաթուղային տրանսպորտի վերաբացումը հիմք կհանդիսանա նաև ազգային հանքարդյունաբերության զարգացման համար, որը հանդես է գալիս պղնձի և մոլիբդենի արտահանմամբ։ Հնարավորություն կընձեռնվի ապահովել նաև մեքենաշինության և քիմիական արդյունաբերության համար անհրաժեշտ հումքի ներկրումը։ Այստեղ հարկ է նաև նշել, որ ոչ ավտոմոբիլային տրանսպորտով բեռնափոխադրման անհրաժեշտություն կարող է առաջանալ նաև նավթամթերքի ներմուծման ժամանակ։ Դրա մասին է հուշում նավթամթերքի սպառման ծավալների աճը, համաձայն որի առաջիկա 15 տարիների ընթացքում ձևավորված պահանջարկը չի կարող բավարարվել բեռնատարների միջոցով կատարվելիք առաքումներով։

Նկատի ունենալով, որ լաստանավային տրանսպորտի միջոցով բեռնափոխադրումը իր արդյունավետության բարձր մակարդակով գերազանցում է բազմաթիվ այլ տրանսպորտային միջոցներին, ԱՊՀ երկրները այսօր կարևորում են լաստանավային նոր ուղերթների բացման ուղղությամբ տարվող աշխատանքները։ Այդ կապակցությամբ գտնում ենք կարևոր նաև այդ ուղերթներին Հայաստանի մասնակցության հնարավոր տարբերակների քննարկումը (որի հիմքում պետք է դրվեն գլխավորապես ապրանքների ինքնարժեքի վրա ազդող գործոններն ու հասանելի շուկաներում արդյունավետ գնային քաղաքականության իրականացման հնարավորությունները)։ Մեր կարծիքով, ուշադրության է արժանի «Դանուբ-Սև ծով-Ազով-Վոլգոդոնյան ջրանցք-Կասպից ծով» ջրային կամուրջի շահագործման ներուժը, որը կարող է նախադրյալներ ստեղծել ոչ միայն ԱՊՀ երկրների միջև առևտրատնտեսական համագործակցության խթանման համար, այլև՝ Արևմտյան Եվրոպայի և միջերկրածովյան պետությունների հետ ապրանքային հոսքերի աճի համար։

ԱՐՄԱՆ ԴԱՎԹՅԱՆ

ՀՀ ԳԱԱ Մ.Քոբանյանի անվան
տնտեսագիտության ինստիտուտի հայցորդ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱԶԻՆ ԱՌԵՎՏՐԻ ԽՈՒՆՄԱՆ ԻՆՍՏԻՏՈՒՅԻՆԱԼ ՀԱՄԱԿԱՐԳԻ ԶԱՐԳԱՑՄԱՆ ՈՒՂԵՆԵՐԸ


Հայաստանի անկախացումից հետո արտաքին ապրանքաշրջանառության ծավալի աճ գրանցվում է 1994 թվականից՝ շնորհիվ աշխարհի ավելի քան 90 երկրների հետ հաստատված տնտեսական կապերի։ Սակայն, ի տարբերություն պլանային վարչա-հրամայական համակարգի, փոխվել են առևտրատնտեսական համագործակցության խթանման ձևերն ու մոտեցումները։ Ներկայումս գործընկեր երկրների հետ առևտրատնտեսական հարաբերությունները խթանելու համար անհրաժեշտ է մշակել արտաքին առևտրի զարգացման հեռանկարային ծրագիր, որը ՀՀ տնտեսության գերակա ճյուղերը սահմանելուց բացի, պետք է անդրադառնա նաև արտահանումը խթանող ինստիտուցիոնալ համակարգի լիովին կայացմանը։

Հայաստանի Հանրապետությունում արտահանման խթանման ինստիտուցիոնալ համակարգը, թեև հիմնականում արդեն գոյություն ունի, սակայն դեռևս լիովին կազմավորված և կայացած չէ և գործում է անարդյունավետ։ Արտահանողները, իրենց գործունեությունը իրականացնելիս, մշտապես բախվում են մի շարք խոչընդոտների և

¹ Աղբյուր՝ ՀՀ տրանսպորտի և կապի նախարարության 02.15.2007թ հաղորդագրություն։

խնդիրների, ինչպիսիք են արտաքին շուկաներում արտասահմանյան խոշորագույն կազմակերպությունների մրցակցությանը դիմակայելը, արտադրության իրացման ծավալների ավելացման հետ կապված խոչընդոտների հաղթահարումը, հարկային բեռի թեթևացման և վարչարարության պարզեցման ուղղությամբ տարվող աշխատանքների հետ կապված դժվարությունները, ինչպես նաև ֆինանսների ու արտահանումը խթանող ինստիտուցիոնալ կառույցների պակասը և տրանսպորտային փոխադրումների հետ կապված դժվարությունները:

Մեր կարծիքով, Հայաստանի Հանրապետությունում, հաշվի առնելով ազգային յուրահատկությունները և տնտեսության առանձնահատկությունները, ինստիտուցիոնալ առումով մեծ դեր պետք է խաղան պետական կառույցները՝ ժամանակին արձագանքելով այս ոլորտում հայրենական ձեռնարկությունների ունեցած խնդիրներին: Նշենք, որ մամուլի մեջ կառույցներ գոյություն ունեն աշխարհի տարբեր երկրներում: Այսպես, օրինակ, Ճապոնիայում գործում է Արտաքին առևտրային կազմակերպությունը, Իտալիայում՝ Արտաքին առևտրի ինստիտուտը, Շվեդիայում՝ Արտահանման խորհուրդը և այլն: Այսպիսի կազմակերպությունները, աշխարհի տարբեր երկրներում ունենալով իրենց ներկայացուցչությունները, կարողանում են համապատասխան աջակցություն ցուցաբերել իրենց երկրների արտահանողներին: Բացի այդ, այս կազմակերպությունների կողմից կատարված հետազոտությունները, հավաքագրված տեղեկատվությունը, դիտարկումներն ու եզրակացությունները կարող են աջակցել արտաքին առևտրի զարգացման հեռանկարային ծրագրի իրականացմանը:



Գծապատկեր 1. Արտաքին առևտրը խթանող կառույցները և նրանց փոխհարաբերությունների ընդհանուր պատկերը

Այսպիսով, պետական միջամտությունը արտահանման զարգացմանն ուղղված գործընթացներում կարող է անգնահատելի նշանակություն ունենալ: Սակայն, հարկ է նշել, որ այդպիսի արդյունք գրանցելու համար հարկավոր է նախ և առաջ արտահանմամբ զբաղվող կառույցների միջև կատարել աշխատանքների և ֆունկցիաների հստակ բաժանում (այսօր Հայաստանի Հանրապետությունում արտահանման խթանմամբ զբաղվում են մի շարք կազմակերպություններ, որոնց գործառույթներում նկատվում են որոշակի կրկնություններ):

Գործառույթները սահմանելիս, քաղաքականության, ռազմավարության և աշխատանքների համակարգման լիազորությունները պետք է ստանձնի կառավարության կողմից լիազորված մարմինը (օրինակ՝ ՀՀ առևտրի և տնտեսական զարգացման նախարարությունը), իսկ մարքեթինգային, ֆինանսական, ապահովագրական, ստանդարտացման և սերտիֆիկացման, ինչպես նաև արտաքին առևտրատնտեսական հարաբերությունների հետ կապված այլ հարցերով զբաղվեն համապատասխան գործակալությունները և հիմնադրամները՝ միաժամանակ ապահովելով ամուր սերտաճած համագործակցություն: Նշենք, որ նշված վերոհիշյալ մարմիններից մի քանիսը այսօր արդեն գոյություն ունեն և զբաղվում են արտահանման խթանմամբ (օրինակ՝ Չարգացման հայկական գործակալությունը և Առևտրաարդյունաբերական պալատը), սակայն, ինչպես նշվեց, նրանց գործառույթներում նկատվում են որոշակի կրկնություններ, ինչը նվազեցնում է աշխատանքի արդյունավետությունը, ինչպես նաև վկայում է այն մասին, որ այս կազմակերպությունների միջև փոխադարձ համագործակցությունը ամուր հիմքերի վրա դրված չէ:

Այս ոլորտում միկրոմակարդակում աշխատանքների կարգավորմամբ զբաղվող կազմակերպությունները, որոնք ըստ էության հանդիսանում են պետական համապատասխան քաղաքականության կրողներ, պետք է ապահովեն այնպիսի խնդիրների կարգավորումը, ինչպիսիք են.

ա) համապատասխան շուկաների որոնումը,

բ) համապատասխան տեղեկատվության տրամադրումը (կայանալիք ցուցահանդեսների և տոնավաճառների, ինչպես նաև վիճակագրական ցուցանիշների, ֆինանսական հնարավոր օժանդակության, և, վերջապես, պոկա օրենսդրական դաշտի վերաբերյալ),

- գ) օտարերկրյա ներդրողների ներգրավման խթանումը,
- դ) ֆինանսական խնդիրների հաղթահարումը,
- ե) արտահանվող ապրանքատեսակների ստանդարտացման և սերտիֆիկացման գործընթացին օժանդակությունը,
- զ) միջազգային առևտրային հարաբերություններում ապահովագրման համակարգի զարգացումն ու օրենսդրական դաշտի կատարելագործումը,
- է) նոր ապրանքատեսակների արտադրման քիզնես ծրագրերի մշակումը,
- ը) համագործակցության նոր ուղիների որոնումը և այլն:

Այսպիսով, արտաքին առևտուրը խթանող ծրագրի՝ ինստիտուցիոնալ համակարգի զարգացմանը վերաբերող մասը պետք է անդրադառնա վերջիններիս փոխհարաբերություններին և արտաքին առևտրատնտեսական հարաբերությունների զարգացման գործընթացներում դրանց մասնակցությանը, մասնավորապես.

- Անհրաժեշտ է ակտիվացնել ՀՀ մարզերում գործող քիզնես-կենտրոնների և առևտրա-արդյունաբերական պալատների գործունեությունը, որոնք պետք է ուղղված լինեն «արտահանող-արտահանումը խթանող գործակալություն» կապի արդյունավետության բարձրացմանը: Այս կազմակերպությունների օգնությամբ հնարավոր կլինի մարզերում ապահովել արտաքին շուկաների հետ առնչվող տեղեկատվության տրամադրումը, արտաքին շուկաներ դուրս գալու հետ կապված պահանջվող փաստաթղթերի ցանկը, սեմինարների անցկացումը և այլն:
- Մասնագիտացված *իրավաբանական կենտրոնների* ստեղծմամբ հնարավորություն կընձեռնվի օժանդակել արտահանողներին և ներմուծողներին՝ այլ երկրների օրենսդրությունների և կարգերի հետ կապված իրավական բնույթի խնդիրների պարզաբանման ու լուծման համար:
- Ֆինանսական խնդիրների հաղթահարման տարբերակներից մեկը, մեր կարծիքով, *արտաքին առևտրի խթանման հիմնադրամի* ստեղծումն է, որի գործունեությունը, ի տարբերություն առևտրային բանկերի, կառավարման վարկավորման՝ ընդգծված արտահանման ուղղվածությամբ և արտահանման գործարքների վարկավորման առավել պարզեցված սխեմայի և նվազագույն փաստաթղթաշրջանառության կիրառմամբ: Ընդ որում, այս հիմնադրամի միջոցները կարող են գոյանալ նախ՝ յուրանջանչյուր տարի ՀՀ պետական բյուջեից հատկացվելիք միջոցներից, այնուհետև նաև՝ հիմնադրամի կողմից մատուցված ծառայությունների դիմաց գանձվելիք տոկոսներից, վճարներից, և մասնավոր այլ աղբյուրներից:
- Նկատի ունենալով, որ արտաքին առևտրային գործունեության ընթացքի վրա կարող են ազդել նաև առևտրային և ոչ առևտրային ռիսկերը, հարկ է ուշադրության կենտրոնում պահել արտաքին առևտրային հարաբերություններում *ապահովագրական հիմնադրամների* մասնակցության աստիճանն ու առկա հիմնախնդիրների հաղթահարման ուղղությամբ տարվող աշխատանքները: Նշենք, որ չնայած բանկերը կարող են իրականացնել նաև ապահովագրական ծառայություններ, այնուամենայնիվ, դրանք չեն կարող ամբողջովին ընդգրկել արտահանման ողջ հատվածը: Իսկ որպես նախատիպ կարելի է քննարկել աշխարհի ինչպես զարգացած, այնպես էլ անցումային տնտեսություն ունեցող երկրներում գործող ապահովագրական մասն ուղղվածություն ունեցող ընկերությունների և հիմնադրամների գործունեությունը: Սակայն, ներկայումս ՀՀ-ի ապահովագրական շուկայի ներուժը այս ոլորտում բավականաչափ թույլ է: Այս առումով կարևորվում են ապահովագրական համակարգի հետագա կայունացման և զարգացման գործընթացներում պետական աջակցության հստակ մեխանիզմների մշակման ու նրանց ներդրման հիմնախնդիրները: Մասնավորապես, անհրաժեշտ է ստեղծել արտաքին առևտրային հարաբերությունների ապահովագրությունը կանոնակարգող կառավարության կողմից լիազորված մարմին, որի կողմից մշտապես ուսումնասիրություններ կիրականացվեն և համապատասխան առաջարկություններ կներկայացվեն ոլորտի օրենսդրական պահանջների նորացման վերաբերյալ:
- Ելնելով այն հանգամանքից, որ այսօր պետությունները, իրենց արտադրողների, ինչպես նաև ապառողների շահերը պաշտպանելու նպատակով ուժեղացնում են վերահսկողությունը ներմուծվող ապրանքների նկատմամբ, ուստի կենսական նշանակություն ունի միջազգային չափանիշներին համապատասխան ստանդարտների համակարգի կիրառումը: Այդ առումով կարևորվում է որակի կառավարման առաջատար փորձի ներդրումը Հայաստանում, ինչպես նաև արտահանող ձեռնարկությունների մասնակցությունը սերտիֆիկացման միջազգային համակարգին:
- Տնտեսական վերափոխումների ընթացիկ փուլում արդիական և կարևոր է ֆինանսաարդյունաբերական խմբերի ձևավորման համար նպաստավոր պայմանների ստեղծումը: Այն հնարավորություն կընձեռնի հաղթահարել ֆինանսական, ապահովագրական, ինվեստիցիոն, նոր տեխնոլոգիաների ներդրման, ստանդարտացման և սերտիֆիկացման, օտարերկրյա շուկաներ մուտք գործելու հետ կապված և բազմաթիվ այլ խնդիրներ: Այդ առումով կարևորվում է նաև «Ֆինանսաարդյունաբերական խմբերի մասին» ՀՀ օրենքի ընդունումը, որի օգնությամբ պետությունը կարող է օժանդակել տնտեսության զբաղակա ճյուղերում ներդրումների ներգրավմանն ու արտադրության ծավալների աճին: